

青松侯寶垣小學

大型活動：「點做至好？」

個案二

內容：兜售某主題樂園入場券

在某主題樂園正門入口售票處

- 美萍： 嘩，咁多人排隊買飛入場，實有排等喇！
- 阿偉： 唔好心急啦，好快就到我哋。
- 美萍： 咁我真係好想快啲入去玩嘛！
- 遊人甲： 先生、小姐，我哋有兩個朋友臨時有事唔嚟，所以依家我哋多咗兩張今日嘅入場券，為咗唔好浪費呢兩張飛，不如我以原價讓張飛俾你哋，好唔好？
- 遊人乙： 咁樣我哋就唔會白白浪費幾百蚊！你又唔使浪費時間等買飛。
- 美萍： 阿偉，不如就同佢哋買啦！
- 阿偉： 好似唔係咁好嗎！你睇，好快就輪到我哋買飛啦！
- 美萍： 唔...我估起碼要等多 15 至 20 分鐘呀！反正我哋都要俾同一價錢買兩張飛，又可以幫倒佢哋，何樂而不為呢！最重要係我哋可以即刻入場玩，唔使再等嘛！
- 阿偉： 咁呀...

問題： 如果你是阿偉，你會否向他們購買兩張入場券？

情景一：阿偉會向他們購買兩張入場券

- 阿偉： 咁好啦，我同你哋買，幾多錢呀？
- 遊人甲： 七百蚊兩張飛...
- 姑媽： 阿偉、美萍，咁啱嘅？
- 美萍及阿偉： 姑媽、姑丈。
- 美萍： 你哋又係嚟某主題玩呀？
- 姑媽： 係呀！咦，你哋喺度做乜呀？
- 阿偉： 佢哋有兩個朋友臨時有事唔嚟，所以就讓張飛俾我哋囉！
- 姑媽： 你哋知唔知咁樣係唔啱(○架)？
- 美萍及阿偉： 吓，係呀？
- 姑媽： 係呀！你哋睇吓我張飛，上面寫住要遵守詳列在樂園指南上的“樂園規則”，其中一條規則是「門票是不可轉讓的」。
- 美萍及阿偉： 係嗎！
- 姑媽： 所以你哋應該係喺樂園售票處買飛至啱(○架)！
- 美萍： 阿偉，咁我哋快啲去再排隊買飛啦！

情景二：阿偉不會向他們購買兩張入場券

阿偉： 都係唔好勒！再等吓喇，好快到我哋！

美萍： （無奈地）咁好啦！

在主題樂園入口處

當阿偉及美萍把入場券放入入閘機，幾位主題樂園職員迎接他倆。

數名職員： 恭喜晒，你哋係今日第 888 位入場的遊客，我哋會送你一份大禮物。

美萍： 好呀！好呀！我哋今日真係好幸運呀！